

ЎЗБЕКИСТОН РЕСПУБЛИКАСИ
ПРЕЗИДЕНТИНИНГ
ФАРМОНИ



УКАЗ
ПРЕЗИДЕНТА
РЕСПУБЛИКИ УЗБЕКИСТАН

2017 йил „ 9 “ октябрь

№ ПФ-5199

„ 20 “ 20 г.

**Фермер, дехқон хўжаликлари ва томорка ер эгаларининг хукуклари
ва қонуний манфаатларини ҳимоя қилиш, қишлоқ хўжалиги экин
майдонларидан самарали фойдаланиш тизимини тубдан
такомиллаштириш чора-тадбирлари тўғрисида**

Ўтган давр мобайнида қишлоқ хўжалигига бозор муносабатларини жорий этиш, ишлаб чиқаришни ривожлантириш, мулкдорлар синфини шакллантириш ҳамда уларнинг мустакиллигини таъминлаш бўйича боскичма-боскич ислоҳотлар амалга оширилди.

Ислоҳотларнинг дастлабки боскичидаги фермер ва дехқон хўжаликлари фаолиятини ташкил этиш, қишлоқ хўжалиги маҳсулотларини етиштиришда уларни етакчи кучга айлантириш бўйича мустахкам хукукий асос ҳамда зарур шарт-шароитлар яратилди.

Қабул килинган “Фермер хўжалиги тўғрисида”ги ва “Дехқон хўжалиги тўғрисида”ги қонунлар ернинг хакикий эгаси сифатида фермер ва дехқон хўжаликларининг хукукий мақомини аниқ белгилаб берди ҳамда уларнинг қишлоқ хўжалиги маҳсулотларини ишлаб чиқарувчи асосий субъектлар сифатида шаклланишини таъминлади.

Кўп тармоқли фермер хўжаликларини ташкил этиш, уларга зарур шарт-шароитлар яратиш, фермер ва дехқон хўжаликлари ва қонуний манфаатларини ҳимоя қилиш бўйича зарур чора-тадбирлар амалга оширилди.

Ўтказилган ислоҳотлар натижасида қишлоқ хўжалиги маҳсулотларининг 99 фоизидан ортиғи фермер ва дехқон хўжаликлари ҳамда томорка ер майдонларида етиштирилишига эришилди.

Шу билан бирга, фермер, дехқон хўжаликлари ва томорка ер эгаларининг хукуклари ва қонуний манфаатларини ишончли ҳимоя қилишда, тизимда бозор механизмларини жорий этишда, кўп тармоқли фермер хўжаликларини янада ривожлантиришда, қишлоқ хўжалиги маҳсулотларини ишлаб чиқариш ҳажмларини барқарор ошириб боришда ҳамда ер майдонларидан самарали фойдаланишда катор муаммо ва камчиликлар кузатилмоқда. Хусусан:

биринчидан, фермер хўжаликларининг хукуклари ва қонуний манфаатларини ҳимоя қилиш, фермерлик харакатини янада ривожлантириш мақсадида ташкил этилган Ўзбекистон фермерлари кенгаши ўз зиммасига юқлатилган вазифаларни етарли даражада бажара олмади;

иккинчидан, ахоли ихтиёридаги 480 минг гектардан ортиқ томорка экин майдонларидан фойдаланиш самарадорлиги паст даражада қолмоқда. Узок йиллар фойдаланилмаётган томорка ер эгаларининг ерга нисбатан муносабатини тубдан ўзгартириш бўйича тизимли иш олиб борилмаяпти;

учинчидан, фермер ва дехкон хўжаликларининг ер майдонлари ҳамда томорка ер участкаларидан самарали фойдаланиш устидан парламент, вакиллик ва жамоатчилик назорати лозим даражада ўрнатилмаган;

тўртинчидан, фермер хўжаликларининг асосий кисми кишлок хўжалиги маҳсулотларини етишириш билан чекланиб қолмокда, уларнинг қайта ишлаш, саклаш, тайёр маҳсулотларни сотиш ва хизматлар кўрсатиш каби кўп тармокли фаолиятини йўлга кўйишда мавжуд имкониятлардан фойдаланилмаяпти;

бешинчидан, дехкон хўжаликлари ва томорка ер эгаларини моддий-техника ресурслари билан таъминлаш ва уларга хизмат кўрсатишда зарур инфратузилмалар яратилмаган ҳамда соҳада бозор механизмлари етарли даражада шаклланмаган;

олтинчидан, аксарият фермер хўжаликларининг бугунги молиявий аҳволи замонавий, ресурстежовчи кишлок хўжалиги техника воситаларини харид килиш, ишлаб чиқаришда илғор агротехнология, инновация ва ахборот-коммуникация технологияларини кенг жорий этиш имконини бермаяпти;

еттинчидан, фермер, дехкон хўжаликлари аъзолари ва томорка ер эгаларининг кишлок хўжалик маҳсулотларини етишириш соҳасидаги билим ва кўнікмаларини ошириш, уларни зарур маълумот ва ахборотлар билан таъминлаш ҳамда бошқа хизматлар кўрсатиш тизими, шунингдек фермер хўжаликлида меҳнат муносабатларини ташкил этиш ҳолати бугунги кун талабларига жавоб бермайди.

2017 – 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларни амалга ошириш, кишлок хўжалиги ишлаб чиқарувчиларини янада қўллаб-куватлаш, фермер, дехкон хўжаликлари ва томорка экин майдонларидан фойдаланиш самарадорлигини таъминлаш, пировард натижада ер эгаларининг даромадларини кўпайтиришга бўлган муносабатларини тубдан ўзгартириш максадида:

1. Куйидагилар фермер, дехкон хўжаликлари ва томорка ер эгаларининг хуқуклари ва қонуний манфаатларини химоя килиш ҳамда кишлок хўжалиги экин майдонларидан фойдаланиш самарадорлигини оширишнинг ҳозирги босқичдаги устувор йўналишлари этиб белгилансин:

биринчидан, фермер, дехкон хўжаликлари ва томорка ер эгалари фаолиятини янада ривожлантириш, уларнинг хуқуклари ва қонуний манфаатларини химоя қилишнинг самарали тизимини яратиш, ушбу соҳада норматив-хукукий базани такомиллаштириш;

иккинчидан, фермер, дехкон хўжаликлари ва томорка ер эгаларининг экин майдонларидан самарали фойдаланишдаги шахсий манфаатдорлиги ва масъулиятини ошириш, бу борада парламент, вакиллик ва жамоатчилик назоратининг таъсирчан тизимини яратиш;

учинчидан, давлат бошқаруви органлари, маҳаллий давлат ҳокимияти органлари, фуқароларнинг ўзини ўзи бошқариш органларининг экин ер майдонларидан самарали фойдаланишни таъминлаш бўйича вазифаларини аник белгилаш ҳамда уларнинг жавобгарлигини кучайтириш;

тўртинчидан, кўп тармокли фермер хўжаликларини ривожлантириш учун кулай шарт-шароитлар яратиш, уларни давлат томонидан қўллаб-куватлаш чора-тадбирларини кучайтириш;

бешинчидан, фермер, дехкон хўжаликлари ва томорка ер эгаларининг молиявий-иктисодий барқарорлигини таъминлаш, уларнинг тайёрлов, қайта ишлаш, таъминот ва хизмат кўрсатувчи ташкилотлар билан ўзаро муносабатларида замонавий бозор механизмларини жорий этиш;

олтинчидан, “Томорқа – қўшимча даромад манбаи!” шиорини кишлок аҳолиси орасида кенг тарғиб килиш ҳамда ер эгаларининг кундалик фаолиятига сингдириш;

еттинчидан, ер эгаларининг билим ва тажрибаларини ошириш, уларни зарур маълумот ва ахборотлар билан таъминлаш тизимини ривожлантириш, соҳага замонавий технологияларни кенг жорий этиш, фермер хўжаликларининг меҳнат муносабатларини ташкил этиш бўйича фаолиятини такомиллаштириш.

2. Ўзбекистон фермерлари кенгаши конференциясининг қарорига мувофиқ Ўзбекистон фермерлари кенгаши Ўзбекистон фермер, дехкон хўжаликлари ва томорка ер эгалари кенгаши сифатида, Қоракалпоғистон Республикаси, вилоятлар ва туманлар фермерлар кенгашлари тегишлича Қоракалпоғистон Республикаси, вилоятлар ва туманлар фермер, дехкон хўжаликлари ва томорка ер эгалари кенгашлари сифатида қайта тузилганлиги маълумот учун қабул қилинсин.

3. 2018 йил ҳосилидан бошлаб шундай тартиб жорий этилсинки, унга кўра:

фермер хўжаликларининг ер участкаларидан фойдаланиш самарадорлиги ҳар чоракда ҳалқ депутатлари туман Кенгашларида, дехкон хўжаликлари ва томорка ер эгаларининг экин майдонларидан фойдаланиш самарадорлиги ҳар ойда фуқароларнинг ўзини ўзи бошқариш органларида мухокама қилиб борилади;

ер майдонларидан самарасиз фойдаланган, кишлок хўжалиги экинларини тўлиқ экмаган, агротехник тадбирларни ўз вақтида амалга оширган фермер, дехкон хўжаликлари ва томорка ер эгаларига нисбатан **ер участкаларига бўлган хукукларнинг бекор қилинишигача бўлган қатъий жавобгарлик чоралари кўрилади**.

4. Ўзбекистон Республикаси Олий Мажлиси Қонунчилик палатаси ва Сенатига:

худудларда, биринчи навбатда кишлок хўжалиги шароитлари оғир бўлган туманларда, экин экиш ахволини ҳар ойда Олий Мажлис Қонунчилик палатаси депутатлари томонидан ўрганиш ҳамда аниқланган муаммо ва камчиликларни бартараф этиш юзасидан ўз ваколатлари доирасида амалий чоралар кўриш;

кишлок хўжалиги экин майдонларидан фойдаланиш самарадорлигининг ҳалқ депутатлари туман Кенгашларида, фуқароларнинг ўзини ўзи бошқариш органларида мухокама қилиниши ахволини доимий равишда сенаторлар томонидан ўрганиш ҳамда ҳар чоракда Олий Мажлис Сенатининг мажлисларида кўриб чикиш амалиётини жорий этиш тавсия этилсин.

5. Ўзбекистон Республикаси Ер ресурслари, геодезия, картография ва давлат кадастри давлат қўмитаси:

Давлат солик қўмитаси, Қорақалпоғистон Республикаси Вазирлар Кенгаши ва вилоят ҳокимликлари, фуқароларнинг ўзини ўзи бошкариш органлари билан биргаликда 2018 йил 1 октябрга қадар барча дехқон хўжаликлари ва томорка ер эгаларининг экин майдонларини тўлиқ хатловдан ўтказсин ҳамда уларнинг ягона реестрини шакллантирсин;

Қорақалпоғистон Республикаси Вазирлар Кенгаши ва вилоят ҳокимликлари билан биргаликда шакллантирилган ягона реестрнинг назорат ҳолатида юритилишини, ундаги маълумотларнинг ҳақконийлиги, тўлиқлиги ва доимий равишда янгиланиб борилишини таъминласин.

6. Кишлок хўжалигида иктисадий ислоҳотларни чукурлаштириш бўйича республика комиссиясининг 2018 – 2021 йилларда фермер хўжаликларини боскичма-боскич кўп тармоқли фермер хўжаликларига айлантириш тўғрисидаги таклифи маъқуллансин.

Белгилаб қўйилсинки, 2022 йилнинг 1 январидан бошлаб қўп тармоқли фаолиятни йўлга қўймаган фермер хўжаликлари билан ер ижараси шартномалари қонун хужжатларига мувофик бекор қилинади.

Ўзбекистон Республикаси Вазирлар Маҳкамаси (З.Мирзаев, Ж.Қўчқоров) ҳар йили фермер хўжаликларини боскичма-боскич кўп тармоқли фермер хўжаликларига айлантириш бўйича фермер хўжаликлари кесимида худудий дастурларнинг ишлаб чиқилишини ҳамда Қорақалпоғистон Республикаси Жўқорғи Кенгеси, ҳалқ депутатлари вилоят Кенгашларида тасдикланишини таъминласин, шунингдек худудий дастурлар асосида ишлаб чиқилган республика миқёсидаги дастурларни кўриб чиқиш ва маъқуллаш учун Ўзбекистон Республикаси Олий Мажлисининг Сенатига киритсин.

7. Ўзбекистон Республикаси Вазирлар Маҳкамаси (А.Арипов, З.Мирзаев):

икки ой муддатда чорвачилик, паррандачилик, балиқчилик, мева-сабзавотчилик, асаларичилик ва кишлок хўжалигининг бошка муҳим йўналишларини янада ривожлантириш, фермер хўжаликларининг бу борадаги фаолиятини мувофикаштириш ва унинг самарадорлигини оширишга қаратилган Ўзбекистон Республикаси Президентининг тегишли қарорлари лойиҳаларини киритсин;

уч ой муддатда кишлок хўжалиги самарадорлиги ва рентабеллигини оширишда, айниқса пахта йифим-теримини механизациялаштиришда бозор инфратузилмаларини, инновацияларни, фан ютуклари ҳамда замонавий ахборот-коммуникация технологияларини кенг жорий этиш, шунингдек соҳада меҳнат муносабатларини янада такомиллаштириш бўйича комплекс чора-тадбирлар дастурини ишлаб чиқсан ва тасдиқласин;

икки ой муддатда 2018 – 2020 йилларда республикада озиқ-овқат хавфсизлигини таъминлаш бўйича комплекс чора-тадбирлар дастурини ишлаб чиқсан ва Ўзбекистон Республикаси Президенти девонига киритсин.

8. Дехқончилик маданиятини оширишда муносиб хисса қўшган ва ишлаб чиқаришда юксак натижаларга эришган фермер, дехқон хўжаликлари раҳбарлари ва томорқа ер эгаларига тақдим этиладиган “Илғор фермер”, “Меҳнаткаш дехқон” ва “Намунали томорқачи” кўкрак нишонлари таъсис этилсин.

Ўзбекистон Республикаси Вазирлар Маҳкамаси икки ой муддатда “Илғор фермер”, “Меҳнаткаш дехқон” ва “Намунали томорқачи” кўкрак нишонлари тўғрисидаги низомларни ишлаб чиқсин ва тасдиқласин.

9. Ўзбекистон Республикаси Вазирлар Маҳкамаси бир ҳафта муддатда фермер, дехқон хўжаликлари ва томорқа ер эгалари фаолиятини янада ривожлантириш бўйича ташкилий чора-тадбирлар тўғрисидаги Ўзбекистон Республикаси Президентининг қарори лойиҳасини киритсин.

10. Ўзбекистон Республикаси Президентининг 2012 йил 22 октябрдаги ПФ-4478-сон “Ўзбекистонда фермерлик фаолиятини ташкил қилишни янада такомиллаштириш ва уни ривожлантириш чора-тадбирлари тўғрисида”ги Фармони ўз кучини йўқотган деб ҳисоблансан.

11. Ўзбекистон Республикаси Қишлоқ ва сув хўжалиги вазирлиги Адлия вазирлиги, бошқа манбаатдор вазирлик ва идоралар билан биргалиқда икки ой муддатда қонун ҳужжатларига мазкур Фармондан келиб чиқадиган ўзгартириш ва кўшимчалар тўғрисидаги таклифларни Вазирлар Маҳкамасига киритсан.

12. Мазкур Фармоннинг ижросини назорат қилиш Ўзбекистон Республикасининг Бош вазири А.Н.Арипов ва Ўзбекистон Республикаси Бош вазирининг ўринбосари – қишлоқ ва сув хўжалиги вазири З.Т.Мирзаев зиммасига юклансин.

Ўзбекистон Республикаси
Президенти

Ш.Мирзиёев



Тошкент шаҳри